



QUÆSTIO MEDICA,

CARDINALITIIS DISPUTATIONIBUS,
manè discutienda in Scholis Medicorum, die Jovis
tertiâ Martii.

M. FRANCISCO AFFORTY,
Doctore Medico, Præsîde.

An potio è Salviâ, salubris?

I.

MEDICINÆ Principes sapienter statuerunt, quæ optimè valent corpora, similibus esse conservanda. Similia à dissimilibus maxime dighoscuntur anatomico physico-chymicâ, quâ patet corpus humanum, tum & alimenta, quibus reparatur, ex aquâ, terrâ, sulphure, spiritu, & sale componi. Rident qui existimant hæc vel ignis vel putredinis opus esse, non naturæ. Enimverò multæ salis species sponte se nobis offerunt: ex saporibus plantarum non ineptè colligitur eas nativo sale condiri: earum succi, sive recentes, sive putrescentes, syrupo violaceo affusi subviridem vel purpurascentem colorem plerumque conciliant, qualem sal acidum, vel alkali ignis ope extracta: Absinthium, Acetosa, Carduus benedictus sal essentiale præbent, Isatis & Helenium absque igne sal volatile. Rosæ & Jasmini flores nullo admoto calore suavissimum exhalant spiritum, qui in liquorem coigitur, si alembici caput glacie operiatur: sulphureos montes ad nubes usque surgere, bituminisque fontes à rupibus fluere notum est: oleum, resinam, & adipem nullo cogente plantæ & animalia fundunt. Quid mirum? si alimenta iis abundant, quibus illa continuo instaurantur. Non immeritò posterior ætas duas celebres fecit salis species, acidum & acre seu alkali, ex quorum connubio salsum oritur, quod Hermaphrodito simile, neutrum est, & utrumque videtur. Salsorum non unus ordo, sed multiplex; vulgatiores species sunt sal marinum mari proprium, ammoniacum acri; vitriolum, alumen, gommeum, natrum, nitrumque terræ; acetosum plantis; muriaticum denique & Stygio-regium salsamentariorum & chymicorum officinis. Sal acidum, vel acetoso sapore dignoscitur, vel odore, vel fermentatione cum acribus, vel colore purpurascente, quo tingit tincturam Heliotropii triocci, syrupum violaceum, aut decoctum radicem Helenii: Sal verò acre præter saporem & odorem proprium, syrupum violaceum viridi colore inficit, lacteo verò aut xerampelino mercurium sublimatum in aquâ solutum, aut ipsum præcipitem agit, vel solutionem salis Saturni perturbat, aut coagulat. Ut igitur constet, an ea, quæ à nobis assumuntur, salubria sint vel insalubria, inquirendum ex quibus ipsa, tum & corpus nostrum, coalescant partibus.

CORPUS humanum phlegmate abundat, sulphure pinguescit, sale volatili turget, parum continet salis fixi & terræ, multo minus salis acidi. Sanguis humanus ex duobus liquoribus conficitur; rubro, qui sulphureus est, & limpidio seu aqueo. Ruber in tenuissimas guttas oleas, sale volatili & terrâ imprægnatas divisus, limpidio miscetur, ut oleum probe agitatum, aquæ. Facile ardet rubra pars exsiccata; limpida difficile. Ex tribus libris partis rubræ, primum eliciuntur phlegmatis penè insipidi libra una, & uncia decem; deinde phlegmatis graveolentis uncia septem, & drachmæ tres; tùm spiritus subrusti uncia tres, cum drachmis tribus; mox olei uncia tres, drachmæ septem, & grana duodecim; salis volatilis concreti drachmæ quatuor; demùm è capite mortuo extrahuntur salis fixi salini drachmæ duæ, & terræ levissimæ ac spongiosæ drachmæ tres, cum granis quinque. Eadem prodeunt ex parte limpida, sed phlegmatis major, olei verò, & salis utriusque, minor quantitas inest. Phlegma autem insipidum sublimati, & salis Saturni solutioni, lacteum; viridem verò syrupo violaceo colore inducit. Spiritus sanguinis sublimatum præcipitat, & cum spiritu salis effervesceat. Eadem præstat aqua communis diu agitata cum oleo sanguinis. Quod residuum est, priusquam oleum erumpat, Heliotropii tincturam purpuream efficit. Ex hoc residuo, tùm & sale fixo, conjiciendi locus paululum acidi in sanguine contineri. Sal fixum sanguinis sapore sal marinum æmulator; utrumque solutionem argenti præcipitem dat; ægrè solvitur aeri expositum, vixque sublimati solutionem subluteam reddit. Mirum profecto tam parùm acidi è sanguine humano elici, cum vescatur homo lacte & lacticiis, vino, fructibus, radicibus, oleribusque, in quibus acidum lacius dominatur, quàm acre. An per diaphoresim & excrementa totum penè amandatur? An ad bilis generationem confert? Sudor, urina, fæces, acido donantur, non verò carnes. Sal fixum fecum aded salinum est, ut solutionem sublimati non alteret. Bilis ex se solâ effervesceat. Quid plura? Spiritus fuliginis, & cornu Cervi, recenti sanguini affusus, subitam affert effervescentiam. Hinc sal acidum, sed exiguâ quantitate in sanguine delitescere, manifestum est; cujus fortè si copia major fiat, quàm natura postulat, vel si ejus moleculæ præter naturam crassiores evadant, pluribus morbis originem præbent.

I I I.

AD tuendam integrè sanitatem, non solum alimentis, sed iis indigemus, quæ medium locum inter alimentum & medicamentum tenentia, corrigant, si assumpta quid vitii invehere apta sint. Quæ boni succi & facillioris sunt coctionis pauperibus defunt, divitibus verò fastidium creant, nisi acuantur embammatis, cupediis, adipe, sale, pipere, aceto, omphacio, Allio, Cape, cæterisque gulæ irritamentis quæ ventriculo & intestinis labem, vix ullâ arte medicabilem, sensim inferunt. Perpende alimentorum naturam, & facillè tibi suadebis, omnia fermè, vel ratione substantiæ, vel ratione usus emendanda esse. Panis cunctis gentibus alimentum commune, sulphure abundat, quod nisi debitâ fermentatione comminuitur, succos viscidos generat pariendis viscerum infarctibus idoneos. Caro vervecina cæteris præstat, principii tenuioribus, magisque inter se temperatis gaudet, nec contextus crassioris & densioris est, ut bovina; neque mucagine & oleo inficitur, ut vitulina, agnina, hædina, suilla. Verùm frequens car-

nium usus, qualis esse solet apud nos, semper aliquid importat mali. Pisces plus phlegmatis habent, quam animalia terrestria, textura sunt ut plurimum mollioris, acido penè destituuntur, & sulphure pollent, sed nimio butyro, oleo, & aromatis condiuntur. Lac analysi chymicâ sal volatile concretum nequam præbet, sed multum acidi, parumque spiritus urinosi, & salis fixi salini: vaccinum plus olei, caprillum plus acidi, asinum plus feri continet. Mel ferè totum in acidum solvitur. His ergo cautè utendum. Ingredere hortos & viridaria, in quibus radices esculentæ sese offerunt, quæ acido abundant, nullumque sal volatile concretum, nisi pauca admodum largiuntur, quod tamen extrahitur ex oleribus, quæ tota fermè aquea sunt. E leguminibus multum olei, spiritusque urinosi prodit, parum salis fixi, & terræ. Poma, Pyra, Persica, Cerasa, Ficus, plurimum phlegmatis subministrant, multum acidi, parum salis acris, olei, & terræ: hinc minùs salubria sunt. Temperatarum regionum vina plurimo phlegmate diluuntur, sulphure, & sale acido tenui gaudent, nulloque penè tartaro inficiuntur; sed quod naturâ benignum est, pessimum fit intemperantiâ. Quæ in calidioribus Europæ tractibus nascuntur, salino-sulphureis, tartareisque partibus, quæ crassiores sunt, morborum Iliadem trahunt. Cervisia & Hydromel acido crassiori donantur. Pomaceum & Pyraceum acido & austero planè scatent. His ergo benè utere, vel, si genio indulgeas, propera ad Salviam, quæ te à pluribus morbis immunem reddat.

I V.

SALVIA latinis, Gallis *Sauge*, *ἐλελίσσα* ^a Dioscoridi, cujus verba ^a Lib. 3. cap. 32. convenire videntur Salviæ folio subrotundo Caspari ^b Bauhini, si cum ^b Prod. lib. 6. cap. 20. Orisatio, Ætio, Serapione, Ruellio, & Salmasio legas, *φύλλα δὲ μέλιφι* ^c Lib. 6. hist. plant. cap. 2. *κνιδίσι δὲ ἐνδότῃ*. Si verò Cratæ & Plinii exemplo folia Salviæ foliis Menthæ ^d Lib. 22. hist. naturæ cap. 25. compares, tunc Dioscoridis *ἐλελίσσα* non longè erit à Salviâ nostrâ vulgari. ^e Theophrasto *σπράκιν* & *ἐλελίσσα* inter se distant, quasi alterum urbanum, alterum sylvestre genus dixeris. ^d Plinius more suo historiam Salviæ obscurè contextuit deceptus affinitate vocum *σπράκιν* & *σπράκιν*, aut *σπράκιν*, quidquid Dalechampius & Salmasius dicant. Salvia nobis plantæ genus est, floribus monopetalis & labiatis, labio superiori falcato, inferiori tripartito, pistillo in quatuor abeunte semina, quæ foveantur ab ovario Cyttiniformi, quod è perianthio floris pericarpium evasit. A congeneribus maximè differt Salvia, staminibus ossis hyoidæi imaginem præferentibus. Dioscoridi species una fuit, Theophrasto gemina, Plinio anceps, recentioribus supra duodecim. Quæ utuntur in re medicâ, Casparo Bauhino Salvia minor aurita & non aurita dicitur, Gallis *Sauge franche* quasi Salvia nobilis. Hæc perenni & lignosâ radice fruticat ad duos pedes assurgens, furculis ramosis, caulibusque quadrangulis & canescentibus, ad quorum exortum folia densè nascuntur bina ex adverso posita, duos digitos longa, semidigitum circitèr lata, mucrone acuto, basi quandoque auritâ, brevi pediculo innixa, subaspera, quo planè modo, ut egregiè Dioscorides annotavit, esse solent usu detritæ vestes, retorrída, quali exsucca, & cinerei quodammodo coloris; odoris autem aromatici, qui cerebrum petit, laporis amari & acioris, qui salivam elicit. Summos caules verticillatim & spicæ in modum ambiunt flores purpureo-carulei. Ex libris quinque foliorum Salviæ per se sequimenssem maceratorum, prodeunt libræ quatuor aquæ beneolentis, cui innatat pauxillum olei ætherei; tùm erumpunt spiritus subrussi uncia duæ; mox olei, axungie crassitici, uncia tres, cum drachmis quatuor; deinde

4

salis volatilis concreti drachma una, cum granis triginta. Demùm è capite mortuo salis fixi exquisitè lixivialis drachmæ quinque, cum granis duodecim; terræ verò uncia circitèr duæ. Aqua autem Salvæ acido tenui poller, & Heliotropij tincturam purpuream facit, Spiritus solutionem sublimati coagulat, & effervescit cum spiritu salis, perindè ac oleum. Sal, cùm fixum, tum volatile, xerampelinum colorem inducit solutioni sublimati.

V.

POTUS desiderium cunâs animantibus inſevit natura, ut imprimis aqua descenderet in eorum corpus, ad ciborum dissolutionem, humorum fluiditatem, & corporis refrigerium. Hinc ubera sua tellus ubivis & omnibus offert. Cateræ potûs species suam arti debent originem, ad delicias, vel ad sanitatis tutelam institutæ. Aqua votis omnibus abundè respondet. Ejus satietatem respuit natura ut & vini, sed quod malum ingens est, vini aviditas augetur suadente nimium gratâ vini fallaciâ. Falices nimium Galli, sua si vina benè norint. Moderatè utantur Campanis & Burgundiacis, quibus palatum rectè moratum est. Exulent Malvaticum, Chium, Hispanum, Canariense, Sanlaurentianum, Frontinianum, quæ toxica fiunt cauponum perfidiâ, vel malè sana bibendi libidine. Si advehantur ad nos, medicamina sint potiùs, quàm alimenta, & sumantur ad unciam. Fato suo relinquuntur, qui Rafia, Persico, Fœniculato, Rosoli, Spiritu vini, Aquâ Cetiâ, aliisque voluptuariis venenis sanguinem & viscera torrere amant. Quod bibunt, ignis est, gelidis Ursæ accolis conveniens, non æstuantibus Gallis. Caffè forbillent, qui à somno & quiete abhorrent, quosque strenua exercet inertia. Chocolatam avidè hauriant invitâ Venere, & irato Cupidine nati. The propinent, qui pluris faciunt, quæ pluris emunt, quibusque sordent facilia naturæ munera. Qui vitam quærunt diuturniorem ac beatiorè, vino utantur ad sustinendas vires, & Salvæ nobilis potu ad alacriorem & vegetiorem sanitatem. Foliorum Salvæ probè exsiccatorem pugillum injicito in aquæ ferventis libras duas, vas operito per breve tempus, mox liquorem in pocula decantatum (ut plurimum sine saccharo) forbillando propinato quavis horâ, quavis tempestate, cujusvis sexûs sis & temperamenti; ad functiones obeundas te expeditiorem reddet, dabisque progeniem vivaciorem ac valentiorè. Modò enim acido tenui fermentum ventriculi moderatur, si paulò acrius sit; bilem obtundit, si insurgat; sanguinis & spirituum impetum cohibet, si nimius sit; siccioris & calidioris temperamenti hominibus conveniens potus: Nunc sale alkali ventriculum & intestina abstergit ac roborat; bilem attenuat, si ad crassitiem vergat; sanguinis motum restituit, si torpere incipiat; spiritus recreat, si fortè languescant, melancholicis & pituitosis amica potio. Hinc Salvâ cerebro, nervis, utero, renibusque convenit. Meritò parantur è Salvâ pulvis sternutatorius ad exonerandos capitis sinus; fumigium ad pestem; succus, decoctum, vinum, essentia, spiritus, sal, oleumque ad sudores movendos; Aqua demùm, extractum, syrupus, conserva, balneum, ad roborandas partes, fugandosque sale suo volatili oleoso, tremores artuum, & spasmodicos affectus, quos calidiorum potuum abusus procreare solet.

Ergo potio è Salvâ, salubris.

Proponebat Lutetiæ Patiforum JOSEPHUS PITTON TOURNEFORT,
Aquiextienſis in Gallo-Provinciâ, Baccalaureus Medicus. A. R. S. H. 1695.